



12. januaari 2023

Inatsisartut ingerlatsinermut maleruagassaanni § 37 imm. 1 tunngavigalugu Naalackersuisunut ukuningga apeqquteqaateqarpunga:

**Naalackersuisunut apeqquteqaatit:**

- 1. Narsami aammalu Kullorsuarmi ilaqtariinnut siunnersortit ukiut marluk suligasuartussanik pilersitsissagaanni Namminersorlutik Oqartussanut aningaasatigut allaffissornikkullu suut kingunissarai? Katillugit sisamaasunut (piffinnut marlunnut marluk) pikkorissarnerit/ilinniartitsinerit, ukiut marluk akissarsiaqartitsinerit, piffinni marlunni allaffeartitsinerit, pikkorissartoqartillugu/ilinniarnermi angalanernut aammalu suligasuarnermut nalilersuinissamut aningaasartuutit ilanngunneqassapput.**
- 2. Ilaqtariinnut Siunnersortinut isumassarsiaq Naalackersuisut qanoq isumaqarfigaat?**

(Inatsisartunut ilaasortaq Nivi Olsen, Demokraatit)

**Tunngavilersuut**

Demokraatit inuunerissaarnissamut peqataalluarnissamullu pilersitsinissamut ilaqtariinneq pingaarluinnartutut isigaat. Avaqqussinnaagunangilarpulli piffissaq ingerlatillugu ilaqtariinni tamani unammilligassaqaalersarmat. Ilaatigut ima unammilligassat annertutigilersinnaasarput naggataani avissaartariaqaalersarnermik kinguneqartarlutik.

Qularnangilaq avittariaqartarnerit ilaatigut avaqqunneqarsinnaasassanngimmata, kisiannili ilaqtariit avissaartinnikkaluarlugit unammilligassanut aaqqiissutissanut ikiorserneqarsimagaluaaraanni immaqa avaqqussimasinnaasaagaluit.

Uanilu isumaqarpunga Ilaqtariinnut Siunnersortit piffimmiittussat isumassarsiatsialaassasoq. Ilaqtariinnut Siunnersortit sumiiffinniittuussapput, ikiorserneqarnissamut orninneqarnissamut toqqissisimaffigineqartussat, piffissami unammillernarfimmi siunnersortissinnaalluni sakkussanillu tunniussinnaasunik. Ilaqtariinnut siunnersortit ornikkuminartuussapput, inuiaqatigiittullu ilaqtareeqarnikkut aammalu ataqatigiinnikkut nukittornissarput siunertaralugu ilaqtariittut unammillernartumiiffimmi nukittorsaasussatut siunnersuinissamut pingaarnertut suliaqassapput. Tamanna ilaqtariit ataatsimoorlutik inuiaqatigiittullu nukittornissatsinnut siunertaralugu. Ilaqtariinnut siunnersortit pissusissamisoortumik pikkorissartinneqassapput/ilinniartinneqassapput.

Isumaqarpunga suligasuartussanik misiluiteqarneq isumassarsiamut uuttuutaalluarsinnaasoq, aallarniutigalugulu piffinni marluusuni ingerlanneqarsinnaasasoq; Narsami Kullorsuarmilu. Inatsisartunut siunnersuutimik qaqitsiniaruma tamatumani aningaasartuutigineqartussat ilisimasariaqarpakka. Apeqquteqarninnullu tunngaviullutik.

Apeqqutit ullut qulit suliffiusut iluanni akineqareersimanissaat kissaatigaara.